

ARUBA ANSE COURANT



Diario



pa Aruba



Instala Aire acondicionado na bocas AWOR!



Tel. 2170

Nr. 3872

DIAMARS 25 DI OKTOBER 1960

Pakiko deposita bo cen caminda e ta gana poco, ora cu LA ESPERANZA ta paga hopi..?

Regimen di Castro lo cai denter di 30 dia segun Cubanonan destera

NEW YORK, 24 oct. — E invasion di Cuba lo tuma lugar „hopi mas liher cu hende ta kere”, asina e lidernan destera cubano a declara. Nan ta di opinion cu gobierno di Fidel Castro lo cai den un maximo di 30 dia.

E Cubanonan destera aki a declara cu e „biahe” cu „Che” Guevara, presidente dje Banco Nacional di Cuba, a haci pa Rusia y otro paisnan comunista, ta en berdad un „huitamento”. E medico argentino aki, kende ta worde jama „e agente comunista internacional berdadero”, „a mira e cosnan cu ta bai sosode” y el a prefera di bandona Cuba” asina nan ta bisa.

Ministerio di asuntonan exterior di Cuba a informa oficialmente, cu „Guevara lo ta ausente pa un tempo indefinitivo”.

E Cubanonan cu ta biba destera na New York ta optimista y entusiasma. Nan a declara cu e invasion lo tuma lugar na varios lugar husto.

Nan a declara cu tin gruponan bon organisa y bon arma na Cuba cu lo forma nucleo dje trupanan anti-Fidelista. Den ejercito revolucionario di Fidel y den e milicia famoso, tin celulanan, cu lo bringa huntu cu e contra-revolucionarionan na momento dje invasion.

Fidel sabi

„Fidel sabi cu su dianan ta conta”, asina un dje lidernan mas importante dje Cubanonan destera a bisa. „Pa e motibu ey e ta asina druk. E ta determina cu lo e cai na un manera espectacular. Nan ta bisa cu Fidel lo lucha te na ultimo y cu lo e destrui e fabricacion di suu y e centronan industrial prome cu e cai pero mi no ta kere cu e tin apoyo ni e medianan pa realisa un tal plan”, asina e lider cubano a bisa. „E Alemanan no tabata por haciele den segundo guerra mundial y e Mericanonan no tabata por na Corea, y nan tabata tin tecnico mehor cu Fidel”.

E mes lider aki a declara cu Fidel Castro, su rumen Raul, y e otro lidernan Fidelista lo hui bai na e paisnan comunista, y cu ya hopi Cubano a hui bai aja. Nan ta hui den e avionnan dje compania Cubano di avia-

BUKI NOBO DEN BIBLIOTHEEK

ORANJESTAD. — Di parti di e bibliotecario di Openbare Leeszaal en Boekerij nos a ser informa, cu diabierna awor, 28 di oktober, tanto na Oranjestad como na San Nicolas nan lo pone diferente buki nobo den circulacion. Hopi di nan ta romans na hulandes y ingles.

TIVOLI PREPARANDO PA CELEBRA CUARENTA ANJA


ORANJESTAD. — Directiva di Aruba Tivoli Club recientemente a nombra dr. Coco Arends como miembro di e comite cu lo bai atende cu e celebracion di e 40 anja di existencia di e club. Sr. Arends lo eligi su mes grupo di asistentenan pa judes den e trabau aki.

Loteria

Tambe directiva ta preparando pa tene un loteria grandi den promer mitad di otro anja. E promer premio lo ta un cas completamente muebla. Di dos premio lo ta un auto delux.

Sterrit

Diasabra awor e sterit ta tuma lugar y despues di cual lo tin baile cu orkesta „Los Duques”.



Con e cara di e studebaker A-1437 a keda despues cu diadomingo anochi pa dlesun'or el a dal contra di A-4994 ri-

Zodiac

the name for automatic watches

An Official Watch of Swiss Federal Railways



„Luz Marina” cu destinacion pa Aruba a explota y sink

WILLEMSTAD. — E baporcito Colombiano „Luz Marina” di casi 100 ton, nabegando bao di bandera Panameo, diabierna pa mas o menos tres'or di atardi a explota y a sink.

E tabata den e posicion 10.35 N. y 77.09 W. ora cu e desastre aki a tuma lugar.

E tripulacion di cinco cahez, dos Panameo y 3 Colombiano a worde salba pa e bapor Aleman di 8611 ton „Havelland”, cu diadomingo atardi a drenta den haaf di Corsow. Tres dje hendenan cu ta seriamente herida a worde hiba pa St. Elizabeth hospitaal.

„Luz Marina”, un baporcito chikitu di Colombia, nabegando bao di bandera Panameo a sali dia 20 di oktober, cu un flete di juguete, cigar y whiskey di San Cristobal cu destinacion pa Aruba. E biha tabata prospero te ora cu diabierna atardi pa dos'or e motor a stop di traha.

KAMERORKEST TA DUNA CONCIERTO PA HUBENTUD

ORANJESTAD. — Indudablemente ta un bonita gesto di e Muenchener Kamer Orkest, cu diadomingo awor lo duna un concierito na Aruba, pa ofrece tambe un (extra) concierito specialmente pa muchanan di school. Esaki lo ta diasabra mainta den Centro Cultural na unda mas di 550 discipulo di e klasnan mas haltu di MULO y HBS lo ta presente.

E concierito aki a bira posibel door di intervencion di „Stichting Culturele Vorming in Schoolverband”.

32 anja, M.V. Gonzalez Zunido, Panameo, e maquinista Felix Angulo di 34 anja, tambe Panameo y e matroos A.C. Muñoz Colombiano a worde herida basta serio cu heru y palunan cu a spai tur rond.

E otro dosnan, tambe Colombianu, Ruez Villegas y Pedro Bruijs a hiba solamente spanto.

Poco prome cu „Luz Marina” a desaparece completamente den olanan, e bapor di carga aleman „Havilland” a jega y su tripulacionnan a subi e naufragacionan abordo. „Havilland” a pone rumbo pa Corsow na unda diadomingo atardi nan a jega. E tresnan cu tabata herida mesora a worde hiba pa hospitaal y e otro dosnan a hanja acomodacion den un hotel na Corsow.

CHOFERNAN DI HUURAUTO A MANDA PETICION PA EILANDSRAAD

ORANJESTAD. — E siguiente peticion. H chofernan di huurauto na Oranjestad a manda pa Eilandsraad. Firmantenan, chofernan di huurauto, staciona na Oranjestad ta duna di conoce cu e debito respeto:

Cu nan a hasja tende, cu Bestuurscollege di e territorio insular di Aruba tin intencion di aumenta e cantidad di huurauto na Oranjestad, loke naturalmente kier meen, cu e cantidad di vergunning pa e distrito aki tambe lo subi.

Cu firmantenan sin embargo ta

FUTBOL FUTBOL FUTBOL

ARUBA VOETBAL BOND

ta presenta

Awenochi 25 di oktober 7.30 'or

den

WILHELMINA STADION

R.C.A. vs. ESTRELLA

(Hoofdklasse)

ENTRADA Tribune f 1.— Staanplaats f 0.50

DOS MUCHA CU UN KAARCHI

FUTBOL FUTBOL FUTBOL

di opinion, cu mirando e situacion actual, den cual e otishi di huurauto ta, no tin suficiente trabau, riba e terreno aki pa e huurautoan mes cu ya ta existi, na Oranjestad corda pa un cantidad mas grandi.

Cu entre e chofernan na Oranjestad cu ta den e ofishi aki actualmente tin tatanan cu familia grandi y cu ta socode regularmente cu e despacho di pasaheronan no ta suficiente, pa dunanan un entrada adecuada, pa asina por mantene nan familia.

Cu firmantenan mester mira, cu pasaheronan, cu ta jega Aruba cu Avensa, ta worde transporta for di aeropuerto pa Aruba Caribbean Hotel den un bus di e hotel menciona, door di cual e transporte di e turistanan aki ta worde kita for di nan man, loke naturalmente ta nifica pa firmantenan un reduccion den nan entrada.

Cu firmantenan mester mira tambe, cu ora tin bapornan den haaf di Oranjestad, cualnan tin un cantidad basta abau di pasaheronan abordo, huurautoan di San Nicolas, cu normalmente ta staciona ayanan y cu tin sirbi e distrito ey, ta bin hacj nan trabau na Oranjestad tambe, door di cual e huurautoan staciona na Oranjestad ta worde perhudica.

Cu di ningun manera ta intencion di firmantenan pa impedi totalmente e huurautoan cu ta staciona na San Nicolas pa bini Oranjestad, pero cu ta algo comprendibel cu un cantidad asina poco di pasaheros no ta duna suficiente trabau pa e huurautoan mes cu ta staciona na Oranjestad.

Cu firmantenan ta dispuesto pa

lamta un servicio di warda y pa organisa esaki di tal forma, cu na tur momento tin un o mas huurauto disponibel na standplaats, na aeropuerto y na Hotel;


FATUM — Tel.: 1845
Pa tur bo aseguronan

MOTIBONAN pakiko firmantenan ta dirigi nan mes na Eilandsraad cu e peticion respectuoso pero urgente:

a. Cu Eilandsraad conscha Bestuurscollege, prome cu aumenta e cantidad di vergunningnan, o extende e cantidad di huurautoan na Oranjestad pa tuma serio en consideracion tur e aspectonan relaciona cu e asunto aki, y — b. cu Eilandsraad por naci un arreglo di tal manera, cu e chofernan di huurauto, cu normalmente ta staciona na San Nicolas, no ta permiti na haci nan trabau na Oranjestad ora cu e cantidad di pasaheronan na Oranjestad ta bau di 100, al menos asina poco, cu no tin un despacho adecuado pa ambos grupo, y — c. cu Eilandsraad duna di conoce su aprobacion o su consentimiento, cu firmantenan lamta un servicio di warda y organisa esaki di tal manera, cu un servicio di transporte continua lo ta segura.

Firmantenan: G. Kock, H. Tromp, Theodoor Cröes, Marcelo Willems, J. Luydens, C.O. Richardson, Francisco Jansen, J.M. Frans, Alvan B. Richardson, Juan Kock, A. Flanegin.

Marlachi Aruba cu ayera nochi a cuminsa cu nan actuacion di dos siman den Klompen Klub di Aruba Caribbean Hotel. Di robes pa drecht: Sahino Boekhoudt, Manuel Martijn, Reginaldo Lampe, Lucas van der Linden, Nicolas Dijkhoff, Jose Bislek (cantante), Pablo Kelly, Johannes Westertinger, Theodoor Kock, Supriano van der Linden, Mario Kock, Marcelo Geerman (no ta riba e foto), L. S. Overloon, manager di e grupo tampoco ta riba e foto.



Hay algo **BOCACCHICA** ..Descubralo

NUEVO en RON **BOCACCHICA** Hoy..!



HBU HBU

Bo jioe na Hulanda tin mester di placa

Tur ora bo mester manda placa pa panja, zapato, pa su gasonan, pa bukí di estudio, pa cuminda y pa hopi otro cos.

Awor bo mes ta manda e placa tur luna. Pero ta mucho mas facil si bo laga nos haciela pa bo.

Solamente UN biaha bo tin cu pidi nos y tur luna bo jioe ta hanja su placa na cas via nos.

Ya hopi ta haciendo asina, pakiko no haciela abo tambe?

PASA CERCA NOS PA MAS INFORMACION.

Ook voor U: de HBU

HOLLANDSCHE BANK-UNIE N.V.
ORANJESTAD - SAN NICOLAS



Kende 'u laga di un problema? Tur dia nos ta experimenta esaki: hobenan riba terreno di amor, school-leporte y na cas cu nan mayornan, ayornan cu educacion di nan jiu nan, relacion entre esposo cu nan u riba e diferente problemanan cu bo u confiele den nos corant. Man-njora, quehaceres di nan mas, relacion cu bisnia y familia. a bo carta pa „Arubaanse Courant“ Nassaustraat 85 y scribi den un hoek di e envelope bon cla „Correo Confidencias ta molestia un of otro perso- Como Rosemary sabi cuanto pro- a, e la pone su mes na disposicion ta tur diamars e dina conseho gra- idencial“. Si en caso bo problema u pa ponele y pa ser contesta den nos corant, anto bo por ta asina bon li inclui den e envelope otro enva- ta concerni algo mucho personal d Rosemary ta dispuesto na yudabo- loppe cu bo adres riba dje y stampia y e ora bo ta hanja un contesta per- tonalmente.

1. Muy respetable Rosemarie, Mi tambe kier dedica dos palabra na Rosemarie, lo cual mi ta spera di hoy a contesta gratis i rapido. Pa mi sali for di un duda, cu mi ta aden. Di antemano masha danki.

Mi ta un hobencita di 24 anja, mi tin un jiu di cinco anja pero mi no ta casa. Awor ta pa mi suerite of ta pa mi mala suerite, mi no sa, mi a haya un mucha homber cu ta mes hoben cu mi i cu kic' casa cu mi. Mi ta stima masha tanto i e tambe ta stima mi. Di prome dia, cu nos dos a conocé otro, mi a concete tur mi problemanan i tur mi pasado. El a bisami, cu tur lo ke a pasa mi no ta nada, e ta di acuerdo pa casa cu mi ki ora cu mi kier, hasta mi comporta mi bon. Tur ora mi ta puntrele ta pakiko e no ta bin hibita mi, na mi cas. E ta bisa mi cu mi tin cu warda pe un poco i ja mi tin basta luna caba cu nos conoce otro i naturalmente lo ke a pasa mi caba mi no kier pa hobe pasami. Asina mi a biscla cu mi no kier jin ningun cita cuncle riba caya mas. Mi no sa cu ta ganja e ta ganja mi, cu e kier casa cu mi of ta cobarde e ta di bin papia cu mi ben- denan personalmente, pasobra sem- per e benedan di cunucu tin co- hardia den nan curpa. Awor mi kier pa Rosemarie duna mi un conseho kiko mi haci.

La desdichosa.

1. La desdichosa, Mi amiga, mi ta contesta tur caria mas rapido cu mi por, i naturalmente gratis. Nunca ningun persona, cu scribi mi tin di paga nada. Esey ta asunto di Arubaanse Courant.

Awor tocante di bo problema: bo tin un experiencía den bo pasado, cu mes- ter ta un alertaion serbo pa bo, mi amiga. No kere palabra di amor mucho liher. Hende por papia hopi cos bunita i toch nan no ta papia hopi of ta cobarde e ta di bin papia cu mi ben- denan personalmente, pasobra sem- per e benedan di cunucu tin co- hardia den nan curpa. Awor mi kier pa Rosemarie duna mi un conseho kiko mi haci.

e ta bai larga bo i talvez ta pasa bo mecos cu a pasa bo caba.

Habi bo wowo bon i mira si e tin idea di bin bo cas of no. Si bo mira cu ta bon palabra so e tin i no bon intencion, KIBRA cumele mas liher posibel. Masha poco homber tin cobardia di bal cas di un mucha muher, si nan tin idea serio. Ta ora nan no tin idea serio, nan ta shiti poco cobardia. Pesey, no kere mucho liher Bon suerte, mi amiga!

Rosemarie

Sin consuelo, Mi a lesa bo carta i mi a kibr'e caba, wel no pensa mas ariba. Mi ta casi si- gur cu un tal mucha muher ta keda cu su honor. Aunque cu ta di mas m' bisa bo, cu esey ta masha fatal. E ta caba cu su bon sintimentonan i ademá e por danja su situ. Pa bo ta COMPLE- TAMENTE SIGUR, mi ta conseha bo di bal ce'ca un dokter serio. Si bo kier mi duna bo un conseho cerca cual dokter, anto manda mi bo adres, i lo mi selbi bo personalmente. Corda bon, cu mi ta kibra tur carta, i tur secreto cerca m' ta completamente safe. Trata di lubida lo ke a pasa i percaba pa bo no bai esey mas. Bo amiga,

Rosemarie,

3. Casualidad. Mi amiga, mi no ta publica bo carta pa motivo, cu mi no ta gusta di men- ta number di botlea etc. den nos car- tanan, como esey por resulta un sorto di propaganda pa un of otro botica of lugar.

Mi a haci informacion na diferente lugar pa bo i nan NO CONOCE E AZEITA ey. Si bo a lesa ey riba den Arubaanse Courant di dia 8 di Octo- ber, anto ta un conseho so mi por duna bo: bai cu e courant na oficina di Aru- baanse Courant den Nassaustraat i haci informacion aya. Nan lo bisa bo ta na unda bo por cumpira e remedí.

Cualquier otro vez mi ta spera di por yuda bo mas bon.

Rosemarie.

Publicacion di gobierno provisorio Argelino

TUNES, 23 october. — Ministerio di informacion dje gohierno provisorio argelino a publica un jamamentu pa deserta di ebercito nacional di liberacion di Argelia. E jamamentu ta dirigi na e soldanan africanu cu ta bringa den ebercito frances na Argelia.

Radio Mosku tocante pueblo Ingles

Radio Moscu a declara en relacion cu e plan aki, cu e ta contene resul- tadoan masha grave pa Inglatera y pueblo ingles. Inglatera a baha cabez pa e circulonan agresivo mericano.

Actualmente tin masha hopi base aereo mericano na e islanan ingles. Tur dia bombarderonan mericano, carga cu bonnan atomico, ta subi for dje basenan ey, pa haci nan biahanan orientativo provocatorio. Comando dje ebercito mericano a establece basenan di raket riba territorio ingles.

E organo di ebercito ruso, „Strea Corra“, a skirbi tocante e plannan: E circulonan agresivo mericano kier tene mundo na rand di un desastre, pero nan no mester kere cu nan lo por haci esey sin hanja castigo.

Anulacion di camara na Tokio

TOKIO, 24 october. — Gobierno hapones a anula e camara di represen- tantenan hapones, cu bista dje elec- cionnan ncu lo tuma luga na Hapon dia 20 di november.

PAKIKO MI A DIVORCIA DI NESTOR

Carmen Cecilia, maná di e unico jiu cu e cantante Venezolano Nestor Zavarce tin, a conta redactor di un revista Venezolano local te ainda tabata desconoci pa publico. Tambe e kier cambia faam di Vivian, number di e jiu, pa faam di su segundo esposo. E no tabata importa cu Nestor tabata pober, pero e no por a suportele como esposo. For di dia cu e jiu a nace e tata no a mirele mas.

Un mucha di dos anja cu un pushi li felpa mas grandi cu ne mes ta hunga den sala di un quinta na San Bernardina, Caracas.

Pa e mucha ey ainda palabra no kier meen nada pasobra apenas e por bisa „mama“.

Aunke su tata no ta cerca dje y a sciele solamente un bez, e no tin „alta di nada. E ta pasa su vida den un cas di luho y contando cu carinjo di su wela y su mama.



Nestor y Carmen Cecilia, re- cien casa, den compania di un amigo na Buenos Aires, pasando nan luna di miel.

E mucha aki jama Vivian y tin un cancion cu su number cu su tata a traha, pero e chikito no ta tenele nunca. Den e cas ey tampoco nunca un di e disconan cu a emociona henter Venezuela y hasta Aruba y Corsow canta pa e tata di Vivian y cu a trans- forme di un actor conoci pa e can- tante cu mas exito di e anja aki, nunca a worde toca.

Vivian ta biba desconoci di e trage- dia cu su mama hoben a pasa. Vivian tin un wowonan berde mecos cu di su mama, e ta carga faam di su tata, Zavarce, pero e carinjo y regalonan e ta hanja cerca un otro cu ta weitele tur fin di siman ora e hini di su tra- baho mas aden di Venezuela, na unda e ta ocupa un puesto di president di un compania di petroleo y cu ta stima e mucha manera ta su jiu.

Carmen Cecilia Nixon y su segundo esposo, e norte-americano Franklin Hall kier pa Vivian por lubida total- mente su pasado pa su faam worde cam- bia.

Entre tanto Vivian cu no ta com- prende ningun di e misterionan cu ta rondona di dje ta hunga tranquilo cu su pushi y cachonan of ta cologa na garganta di su mama of su wela.

Mientras den tur jukebox su tata ta canta „El pajaro Choqui“ y e hoben- cistan ta desmayá ora e parece riba un escenario y teatronan di Mexico ta anuncia pelicula cu e ta bai traha, esun cu no sa nada di tur e cosnan ey ta Vivian Zavarce.

E historia aki a cuminza tres anja pasa, tempo cu Carmen Cecilia Nixon tabatin 18 anja. Di nacionalidad, cara- queña y unico jiu di un ingeniero norte-americano y donjo di un hacienda di tabaco a regresa Caracas di Esta- dos Unidos na unda e tabata studia.

Su mayornan tabata rico y e taba- tin tur cos ey e por a antoña y fuera

di esey e tabata bunita. Despues cu el a caba di yega for di Merca el a contra cu un hoben pober na casa- mento di un amiga di dje. E hoben ey tabata padrino di casamento.

Den e tempo ey Nestor tabata un hoben ambicioso pero cu un cantidad sorprendente cu a entusiasma Carmen Cecilia. Di e tanto ey cu aunke tur protesta di su mayornan su argumento tabata: „No ta importa mi cu e ta rober, of cu e ta di familia humilde, nada di esey no ta stroba mi. Mi ta casa cu ne“.

Y nan a casa dia 8 di Maart 1958. Loke Zavarce tabata gana e tempo tabata poco. El a hanja un heurs di 500 bolivar pa e bai studia na Buenos Aires. Pero tur loke nan tabata falta, amor tabata compensa. E cos di mas importante pa Carmen Cecilia tabata cu e ta stima.

E mayornan di Carmen Cecilia tabata mashar practico y nan a regala e parera hoben un suma di 3000 dol- lar y tur amigonan di Carmen Cecilia, siguiendo un deseo di dje, no a manda regalo di obieto sino nan a mandele envelop cu cens aen.

E prome decepcion pa Carmen Cecilia tabata e fiesta di casamento. Nestor no a preocupá cu ne si no el a pasa henter anochi ta conversa cu e otro hobenan di-su proyectonan na Buenos Aires, mientras Carmen Cecilia mester a pasa su 50 di mesa pa mesa atendiendo e invitadonan. Tabata Car- men Cecilia cu mester a hala su aten- cion bise ta ora di bai.

Ora nan tabata sol porfin, Nestor a saca e gran cantidad di envelop cu contenido cu nan a hanja di regalo. Y ta amaneciendo caba ora cu su boz a stop di canta e placa y sacando cuenta con e ta bai uselo.

Hugando cu candela

Despues di dos dia nan a sali pa biaha di luna di miel y estudio pa capital di Argentina. Nan a huur un apartamento y Nestor a dedike na su estudio, pero manera esey tabata so- sede semper tabata stranjio pa Carmen. Mas parti di nochinan e mester a pasa so. Algun estudiante venezolano na Buenos Aires a cuminza ta bisita nan apartamento cu mashar frecuencia y Carmen a cuminza mira un mundo completamente nobo te ainda pe.

E amigonan di su esposo tabatin tur mashar bon tipo y ora nan reuni den su apartamento nan tabatin un mega masha curioso ta hunga. Un ta cende un lucifer y pasele pa otro y e ta sigi pasa te ora e lucifer paga. Esun cu el a paga den su man mester haci un penitencia. Semper tabata e mesun penitencia. Di bisti na muher, pinta lip y cejas y sali asina na caya, anto nan ta saca portret, Nestor tabata mester a haciela. E fiestanan ey tabata mashar pret pa e hobenan.

Den e tempo ey ya Carmen tabata spera jiu, Nestor a perde su beurs, tempo „u e tabatin cinco luna ta studia.

E motibo tabata cu e tabata un mal alumno. Nan mester a regresa Caracas. Mayornan di Carmen mester a paga nan pasashi. Carmen ya a cuminza pasa su amargura pero semper tabata kedele un speranza. Un speranza cu no a yega nunca.

Un Pascu alegre y triste

Ora cu nan a yega Caracas otro decepcion pasobra Carmen no a bisa su inama cu e tabata na estado e kier a bisele personalmente, pero un productor di programa pa television a adelante lanzando e noticia pa television.

Nestor a ninga di bai na cas di su suegroman cu su esposa ta estado y a prefera di bai na cas di e productor.

Despues di algun dia nan a huur un apartamento chikito. Nestor a hanja trabao na radio-teatro, pero e salario tabata poco cu nan no por a paga un eria, asina cu mama di Carmen tabata manda busca nan panja pa laba. Loke



Vivian, e unico jiu te ainda di Nestor Zavarce, huntu cu su mama den cas di su we- lanan.

tabata stranjele cu semper e panjanan di su jiu tabata na sanger. Un dia Carmen no por a wanta mas y el a conta su mama tur cos ey e sangra- mento tabata bini door di maltrato di su casa.

E tabatin anto 7 luna na estado y e mester a spera te ora e jiu nace pa e por cuminza pidi divorcio.

Pascu 1959 tabata un dia tristu y aavez alegre pa Carmen. Riba e dia ey su jiu a nace, pero ta algun bisnia mester a bai hibele clinica, pasobra Nestor a sali cu su amigonan. E si- guiente dia tabata e unico bez cu e cantante di exito di awor a weita su jiu.

For di dia nan a sali clinica Carmen y Vivian ta biba cerca Carmen su mayornan.

„Tur e cosnan aki ta mashar tristu pa Vivian“, Carmen Cecilia a bisa. „Mi no kier a bisa nada, mi lo a pre- terea pa nan kere cu ta mal entendi- miento entre nos dos a pone nos di- vorcia“.

Actividadnan Cubano na Merca

HAVANA, 24 october. — Mayoría parti dje actividad cubano na Merca a worde deposita na e Royal Bank of Canada y na e Bank of Nova Scotia, durante e ultimo 5 lunanan aki, asina circulonan gubernamental cubano a informa. E dos banconan ey no a wor- de nacionaliza dia 14 di october, hun- to cu e otro banconan cubano. A wor- de informa cu gohierno ta considera e actividadnan aki como un posible base pa tene transaccion cu compani- nan privado canadiense pa cumpira mashinan y partinan di mashin pa Cuba, tantu riba termino directo co- mo largu.

E problema Argelino den Nacionnan Uni

TUNES, 23 october. — E organi- zacionnan nacional argelino di obrero- nan estudiante, mubcan y buhen- tud“ a haci un peticion awe, pa tene un manifestacion internacional en so- lidaridad cu pueblo argelino, riba dia prome di november, bispu dje debate tocante e problema argelino den Na- cionnan Uni.

Sra Margaret a hanja cuater yiu

DETROIT (Michigan), 24 october. — Ajera tardi senjora Margaret Guin- nane a duna luz na un vierling; 4 yiu homber. Senjora Guinnane, kende tin 30 anja, tin dos yiu homber caba di 7 y 5 anja. Mama y vierling ta gozan- do di un salud perfecto.

E partida Venezolano URD a pidi reconstrucion di gabinete

CARACAS, 24 october. — E parti- do politico venezolano, Union Re- publicano Democrático, a pidi e pre- sidente venezolano ajera, pa reconstrui su gabinete. E secretario general dje Union Republicano Democrático, Ignacio Luis Arcaña y e ministronan di trabao y di comunicacion, kende- nan ta miembro dje partido politico menciona, a entrega e presidente un tal documento.

Declaracion di Debre na conseho dje partida U.N.R.

PARIS, 24 october. — Prome mi- nistro Debre di Francia a declara ajera na e congreso dje partido UNR (Union pa e Republica Nobo), cu e probabilidad di hanjamento di un ar- misticio na Algeria a bira menos, pasobra e rebeldenan a buta nan speranza riba ajudo for di oriente. El a bisa un biaha mas cu Francia no kier tene discusionnan politico cu e gohierno desterta, prome cu e a- proba un armisticio, y cu Francia lo no duna den, si nan aplica presion riba dje. Nos lo mester discuti Argelia pa hopi tempu mas ainda, asina Dhebe a bisa. E congreso a dura 2 dia.

Dennis, de schrik van de buurt!



„Paps is zo sterk, dat hij iedereen een pakslaag kan geven — ook u!“

„Papa t'asina fuerte cu e por duna tur hende un aire di zota — bo tambe!“

VAN CARACAS



JET CLIPPER* NAAR BUENOS AIRES

Nu 2 vluchten per week—Zondag en Vrijdag!

Het leven in 't Zuiden is vol vrolijkheid—en het is ook nog zeer economisch!

Alle wegen vanuit Buenos Aires leiden naar de meest opwindende, belangrijke attracties van het uiterste Zuiden: de stranden van Mar del Plata, Montevideo en Viña del Mar; het prachtige merendistrict in Argentinië en Chile; de bergen van Córdoba, het wijn festival in Mendoza en de eindeloze vlakten van de Pampas. Bel nu Uw Reisbureau of de Pan American.

PAN AMERICAN DE LUCHTELIJN MET DE MEESTE ERVARING TER WERELD

S. E. L. Maduro & Sons, Inc., Generale Agenten Aruba: Nassaustraat—Tel. 1735-1736 Curaçao: De Ruyterplein 2—4—Tel. 11200-11903



Announcing the Most Beautiful Turn of the Century!

PLYMOUTH FOR '61

Never before a Plymouth so dramatically new and different. See and feel the head start it gives you into 1961, with its startling new looks, its eagerness, its sureness, its tight snug quality. Beneath the all-new line is the SOLID PLYMOUTH UNIBODY, — one-piece-welded, tough and quiet. So get with the newest!

Get with '61 Plymouth — at Viana Auto Supply Company now!

61 PLYMOUTH solid beauty


A CHRYSLER-ENGINEERED PRODUCT



Franklin Hall y Carmen Cecilia awor un pareha feliz. Nan a casa un luna pasa.

CISCO KID

1. „Si... ho la hay hiba mi cerca e atrevido cu ta risca roba beso di mi novia! 3. „Duke! Cuidao!”



JUAN EL INTREPIDO

1. „Esey ta e renchi di Rama Lama! Los nan!” 2. „Corta mi cabez! Mi a ofende amigonan di Rama Lama...”



DICK TRACY

1. „E la recobra conocimiento, pero e ta verdood. „Pover Pineapple” 2. „Malia e tatuaor, por ta un gran ayudo pa nos. Lo bo reconocio si bo mire?” „Signif” 3. „Ata e lista di tur e tatuaor nan renombra cu ta haci negoshi den e ciudad. „Danki, Sam” 4. „Mi ta kere” Tracy ta bisa. „Malia y ami ta bay repasa tur e lugarnan cu ta tatau”.



RIP KIRBY

1. „E biaba aki bo a perde y e trampa a falla. Vie” „Bo ta tira mehor, cu bo ta toca piano” 2. „Rip! Perdona mi! Mi tabata equivocao!” 3. „Awor fortuna lo bolbe pa cas cu mas experiencia y mas feliz”.



EL PRECIO DEL

1. „Mimi, bo mester hay Claymore!” „Ta duel mi, papi, mi sa cu e puesto di sindicato ey ta preocupa bo, pero nos ta preocupa pa nos futuro! Pa favor, mirede di nos banda!” 2. „Nos ta que-re cu nos tin bastante juicio pa esaki, señor!” „Ta un decision final, papi! Mi ta spera cu no solamente lo bo respete, sino cu eventualmente lo bo gusta!” 3. „La Estado ta un universidad excelente, y lo mi ta feliz awa.” „Y esey ta lo que realmente mi ta desea, Mimi!”



EL DIARIO DE UNA VIDA

1. „Awor mi ta comprende mi estupidez... acusa bo... y molestia mi pover tata...” 2. „Pero mi no por domina mi pasion, Julieta!” „Miguel ta guapo y inteligente, manera bo ta bisa...” 3. „tin algo den dje...” 4. „tin algo den dje...” 5. „tin algo den dje...”



PEPITA

1. „No hay come e qeshi ey, Heri! Ta pa e rattental!” 2. „Kende ta mas importante aki den cas: e raton of ami?” 3. „Mi no por a tende su contesta!” 4. „E raton a gana!”



Declaracion di ministro Luns via Radio Nederland

HILVERSUM, 24 oct. — E ministro di asuntunan exterior, mr J. M. A. H. Luns, a haci un declaracion awe mainta via Radio Nederland Wereldomroep, na ocasion dje dia di Nacionnan Uni. E declaracion a worde haci despues dje transmision di noticia, den e programa cu ta dirigi na Nueva-Zelandia, Nueva-Guinea, Australia, Sur-America y Caribe.

Ministro Luns a bisa lo siguiente: „E tercer lustro di Nacionnan Uni ta cai hunto cu e periodo mas critico den existencia dje organizacion. Mi ta kere cu nos ta para na un punto importante den Nacionnan Uni; podise tur caso e tin hopi di haci cu futuro cercano di nos mundo y cu paz y prosperidad dje pueblonan. Nos a caba di mira admision di 17 miembro nobo. Prome cu fin dje Asamblea General actual, su cantidad di miembro lo ascende na probablemente 100. Pa prome bez den historia di humanidad mayoria parti dje pueblonan ta uni den un organizacion cu un doel comun. Ta marcente, cu ta net den e anja importante aki Nacionnan Uni ta pasa e prueba mas grandi den su existencia. Cu e prueba ey mi kier meen e operacionnan na Congo, na unda mester proteha un estado hoben, sin experiencia for di desintegracion politico y economico completo

cu tur esey su resultadonan desastroso pa Africa y sobra di mundo. Na e momento dificil aki, awor cu Nacionnan Uni ta trata den un esfuerza unico, pa establece su motibu di existencia. Rusia ta trata cu violencia politico marcente, pa domina e organizacion y amenaze cu paralizacion di su institucionnan. E resultado dje lucha aki go ta sigur ainda, pero mi tin hopi speranza cu basta di mi ultimo experiancian, y confianza den sano juicio dje estadonan-hoben, cu segun mi opinion, lo lucha, tambe na un mes beneficio, pa larga Nacionnan Uni bira un instituto fuerte riba terreno politico, economico y social. Tin tur motibu pa nos reinado, e reinado di Hulanda cu su tres miembronan igual di reinado, pa sigui apoya Nacionnan Uni. Mi ta spera cu futuro di Nacionnan Uni desarrola su mes, sin favorablemente y mi tin confianza tambe den e futuro ey”.

OUDERMIDDAG NA A. DE VEERSCHOOL

ORANJESTAD. Dia 27 di oktober pa lo tin un mitin di mayortian di discipulonan di Abraham de Veerschool na San Nicolas cu lo dura di tres or y mei di atardi te cu cine or y mei.

PROGRAMA DI CINE PA MUCHANAN

ORANJESTAD. — Na Oranjestad nan ta bolbe duna un presentacion di pelicula pa muchanan den e teatro aire-libre na Lagoeweg. E peliculan aki lo worde pasa di 27 y 28 dje luna aki. Tin ocho pelicula riba e programa di Filmidien di Teritorio Insular di Aruba, entre otro un pelicula riba jaegamento di alligator, un otro di spearfishing y un circo completo bou di laman y naturalmente no por falta un pelicula di Abbot y Costello.

POSICION DI BRIDGE DRIVE BASI RUTI

ORANJESTAD. — Despues di diez awohi di enuentronan y cu dos mas pa tumar lugar e posicion den e bridge drive di Basi Ruti ta lo siguiente:

- 1. Fam. Zonjee 398.93

- 2. Srs. Voeks- v. Grinsven 398.67
- 3. Damas Rozestraten — Kaptajn 391.13
- 4. Fam. rGoters 390.33
- 5. Srta. Heilbron — de heer v.d. Hilst 388.72
- 6. Srta. Verbunt y partner 382.61
- 7. Fam. v.d. Koppel 371.29
- 8. damas Schendstok — Bayer 370.79
- 9. Sra. v. Drie y partner 357.01
- 10. Fam. de Vries 356.53
- 11. damas Eyckelenboom — De Jong 355.78
- 12. Fam. Tielkemeyer 345.48
- 13. Fam. v. Aert 344.07
- 14. Srs. Daan -- Brederode 339.20

CANTIDAD DI MIEMBRO PA FILMIGA A SUBI HOPI

ORANJESTAD. — Di parti di directiva di Filmiga Aruba nos a worde informa cu e cantidad di miembronan durante luna oktober a aumenta enorme. Durante e prome pelicula di oktober cu filmiga a presenta, mas di treinta miembro nobo a inscribi nan nombre, gracias na e accion di propaganda atraente. E cantidad aki durante e segundo presentacion algun dia despues a subi te na 661 Cu esaki actualmente e cantidad di miembro di filmiga a subi te na 472 na tur.

Pecadornan dilanti tribunal

WILLEMSTAD, 24 oktober. — E palu di banderita Den nos corant di 8 di oktober nos a publica un caso di J.D.D. E mester a duna cuenta tocante un caso den cual el a corre bai despues di un colision, pero a desconoce cu el a comete cualquier colision. Riba e auto mes tampoco no tabatin ningun razzo di un colision di ripara. Pero poliznan a pretende cu e rasonnan ey a presenta riba e maester di e banderita dje auto di acusado. E sentencia tabata: un seman cera y rijbewijs quita pa 6 luna. Diavienies acusado a ser sentencia cu un boet di f20 pa corrementu duru, un boet di f50 pasobra el a recee trafico seguro na peligro y un boet otro di f150 pasobra el a corre bai despues di un colision.

PELEA FINAL ENTRE HOMBER GRANDI Y SU MUJER CHIKITO

SAN JUAN, (Puerto Rico). — „Sra. Providencia Mendez Rodriguez de Perez, 35 anja, chikito y cu ta pisa 77 lb. y mama di seis jiu, a bati su casa di 180 lb. te mata cu un pida tubo diadomingo anochi den nan cas na San Sebastian. Segun relato di polis Adrian Perez a bai su cas den e barrio Hoya Mala pa dies or e anochi ey y mesora a cai den pelea cu su casa. Durante e pelea e muher a coge un pida tubo y a dal e homber seis biaha den su cabez te ora cu el cai abau for di lino. El a muri e dia siguiente. Sra. Perez a confesa di a dal su casa cu e tubo. El a bisa cu antes nan tabatin hopi peleanan serio cu otro. E sra. a worde acusa di asesinato”. E noticia aki nos a lesa den „The Island Times”.

PA CULPA DI UN ZORRO

ERNDEBRUECK. — Un autobus, cual su chofer kier a kita pa un zorro cu a corre cruz caminda, a bai dal cu gran velocidad contra di otro autobus cu tabata bini di direccion contrario na altura di Erdtbruch. Noordrijn -- Westfalen. E chofer di e ultimo bus aki huntu cu un di e pasaheronan a muri, y cuater otro pasaheronan a worde herida di cualnan dos ta hopi grave.



PETRONA & CROES
Dakota - tel. 1712-1619
MADERA DI TUR SORTO Y
DEN TUR MIDI

HOROSCOOP

- ARIESNAN** 11 Maart — 21 April
Awe e acento ta riba negoshi of profesion. Bo por traha plan na termino largu.
- TAURISNAN** 21 April — 21 Mei
Aspectonan planetaria ta avisa contra viahenan y trafico. Sea anto masha na bo punto.
- GERMINANAN** 22 Mei — 21 juni
Den negoshinan y profesion influencia nan bru ha por presenta nan... Suspende tur viaje.
- CANCERNAN** 22 Juni — 23 Juli
Por presenta hopi actividad y tension. Cumpli tambe cu deseo di bo hendenan di cas.
- LEONAN** 24 Juli — 23 Augustus
No haci nada pa bo cumpri antipatia di bo chef. pasobra ta net cu bo mester coopera.
- VIRGONAN** 24 Augustus — 23 September
Den segundo mitin di atardi por cuminsa un periodo critica cu estorbanan nan cantidad.
- LIBRANAN** 24 September — 23 October
Cierto problema manan por presenta na cas, principalmente e nochi. Cuida heta di bieju.
- SCORPIONAN** 24 October — 22 November
Sea prudente cu tur loque bo pone pretu riba blanco. Cuida cu accidente di trafico.
- SAGITARIUSNAN** 23 November — 21 December
Tin algu ta molestia bo. Susponde decisionnan interesante ora Jupiter den asunto di financia.
- CAPRICORNUSNAN** 22 December — 20 Januari
Para cla pa acepta awe responsabilidad masha, aunque e sei ta nifica masha trabao.
- ACUARIUSNAN** 21 Januari — 19 Februari
Traha tanto ta posible di hata cooperacion di otronan. Cuida cu carimentero.
- PISCES** 20 Februari — 20 Maart
Felicidad ta principalmente den prome mitin dia cu bo. Cuida cu tur accidente awe.

Un cliente y votador Arubiano.